

Edizione diplomatica

[c.82r]

Image not found

<https://letteraturaeuropea.let.uniroma1.it/sites/default/files/Canzoniere%20T%20T5%20dipl.jpeg>

sire adans de giuenci.

L a doce acordance damors sans descort. uelt sans descordance. ke faice .i.
descort por la descordance ke souent recort. la belle la blanche a cui ie ma cort. mais
ce ma cort qui iaim tant fort. (et) deli sui en dotance. mais grant deport ai q(ua)nt
ien port au mains damors la samblance. mais agrant tort de moi sestort. quant
ens li a ma fiance. car asom port par son effort maruie.. samors (et) lance brune-

Image not found

<https://letteraturaeuropea.let.uniroma1.it/sites/default/files/Canzoniere%20T%20T5%20dipl%202.jpeg>

te (et) blanche. saichies sans dotance ke uos mesperance (et) tot mon cuer mis ai.
mais la coindance tant mi des auance. ou autres sauance par uous. ke bien sai
mais nai poisance ke dels uaillance faice deseurance ne ia ne ferai. ains ai fi-
ance. ke sans demorance. uostre bien uaillance del tot en arai. car autrement

[c.82v]

Image not found

<https://letteraturaeuropea.let.uniroma1.it/sites/default/files/Canzoniere%20T%20T5%20dipl%203.jpeg>

conuenroit ala fin. si com on dist le faus seurer del fin. ne nuit ne ior a ce penser ne
fin. ke fauset peusse traire afin. Por coitamerai de cuer vrai sans esmai. sans
delai (et) serai entel assai. se poirai uenir a mon desir. a complir aloisir sans fenir
de cuer entir de celi dont mesmai. se samor nai ke dirai ke ferai ie morrai qu(an)t
b(ie)n sai. ke nem porrai iamaiz nul ior partir asoin plaisir asentir. sans men
tir. tant desir que sospir q(ua)nt remir les gries maus ke ien trai. Mais se mo(n)

Image not found

<https://letteraturaeuropea.let.uniroma1.it/sites/default/files/Canzoniere%20T%20T5%20dipl%204.jpeg>

cuers pooit apercheuoir por urai ami ne porroit retenir kainc nel amai certes
por decheuoir. ens en la fin ensaura bien le uoir. (et) sensi muir sans uraie am(or)
auoir. amors mal gre len deuera sauoir. (1) Uoire car bien set (et) uoit mon fin
coraige. ke por samor afait souent doloir. mais tant est prex tant cortoise (et)
tant saige. ke ens la fin ne me puet mai uoloir. b(ie)n laper cut quant ie par
mon folaige. pres euc perdu de son cuer le manoir. mais ie li pros ke en son

[c.83r]

Image not found

<https://letteraturaeuropea.let.uniroma1.it/sites/default/files/Canzoniere%20T%20T5%20dipl%205.jpeg>

iretaige soie remis atos iors por manoir

- letto 293 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1628>